

根本說一切有部毗奈耶雜事卷第五

禮五

唐三藏法師義淨奉

制譯

第六門第三子攝頌曰

勇健與寶器 妙光蘭若中 因能活開醫

不度損眾者

佛在廣嚴城獼猴池側高閣堂中時有眾多

婆羅門長者等在大集處共為議論咸作是語沙門喬答摩常懷耽欲及聲聞眾亦復多貪作是語時有勇健長者亦眾中坐聞斯語已答諸人曰此事未知我今仁等自當目驗大師世尊為是多欲為是少欲及聲聞眾亦復如是長者歸舍惣觀所有金銀器已往詣

佛所禮雙足已奉問起居在一面坐尔時世尊為彼長者宣說妙法示教利喜默然而住長者離座偏露一肩合掌向佛白言世尊願降慈悲并苾芻眾明當就宅受我微供佛默然受時彼長者知佛受已奉辭而去長者亦復請諸外道白言我於明日請佛及僧就舍

而食仁等亦可於彼同食次詣城中婆羅門諸居士等報言我請佛僧及外道眾明於舍食仁等亦可共來隨喜供奉佛僧長者即於其夜備辦種種上妙飲食若噉食若嚼食於晨朝時敷設座席安置水盆齒木豆屑所須事已令使白佛飲食具備願佛知時

尔時世尊將諸聖眾於日初分執持衣鉢往詣長者設供之處就座而坐長者共婆羅門諸居士等持好金銀琉璃頗梨殊妙樂器欲於佛僧次第行與佛告阿難陀汝今宜去告諸苾芻此是長者意欲試察行四寶槃汝等皆不應受尊者慶喜受教而告苾芻依教竟

無一人輒受其器長者見已即取赤白銅器次第行與奉上妙食手自供養皆令飽滿飯食訖嚼齒木澡漱已收鉢器長者便取卑席對世尊坐佛為說法示教利喜并說施頌鐸歌拏已從舍而去時諸外道並作非法形儀隨情亂坐不依次第長者即告守門人曰若

見外道持金銀琉璃頗梨寶器而出門者汝
 可奪取若言長者與我者荅曰與仁暫食非
 是惣施若不還者即可打搦強奪其器長者
 便以四寶盤器行與外道彼便高聲從索與
 我金盤或云授我銀器遂便撩亂忿竟交與
 杖打手擒拳毆脚踏共相凌辱無可觀採長

九五

二

者見已現瞋怖相令其靜息次行食與彼既
 食罷各持器去門人遮止荅言長者與我汝
 何見遮荅言暫時與食非是長施可留而去
 彼不肯留門人遂打倍更紛紜罵聲外徹廣
 嚴城中所有居人男女大小聞是事已並皆
 雲會長者告諸人曰仁等頗見佛及苾芻與
 外道眾差別相不荅言我見長者曰佛及聖
 眾少欲知足非如外道鄙惡法律而相攝誘
 諸人倍更於佛僧眾深生敬重篤信彌隆設
 有不信及處中人亦於佛眾起敬信心
 尔時世尊既到住處洗足已在大眾中就如
 常座既坐定後告諸苾芻曰少欲之行有斯

勝益故諸苾芻不於金銀琉璃頗梨寶器中
 食食者得越法罪若離欲人隨施主意若是
 凡夫或往天上或至龍宮彼福業力設食之
 時皆是金等妙寶盤器無餘雜物苾芻恐犯
 不敢取食以緣白佛佛言若於其處無餘器
 物可求得者設金寶器亦應取食勿致疑惑

佛在室羅伐城時此城中有一長者太富多
 財受用豐足如毗沙門王娶妻未久便覺有
 娠其妻即於是日形貌光彩異於常時月滿
 之後便生一女顏容端正人所樂觀令色妍
 姿眾相具足於其誕日室中明照猶如日光
 休應嘉聲流遍城邑諸人共議有某長者誕

九五

三

生一女容儀挺特見者樂觀眾相圓滿初生
 之際室有光明猶如日光於日日中有千万
 人發希奇心集長者舍共觀希有于時他方
 有一相師善閑先兆聞其奇異亦往觀瞻見
 希有已四顧而望告諸人曰君等知不此女
 具相舉世皆無唯依相書當與五百丈夫共

行歡愛諸人報曰看此殊相五百未足爲奇
四遠皆聞相師所記竟來觀察闐街衢是
時長者經三七日後爲大歡會命聚宗親爲
女立字皆云此女當作何名咸言誕生之際
室有明照猶如日光應與此女名曰妙光長
者遂使養母八人共爲瞻視廣如餘說乃至

童年稍漸長大容華雅麗庠序超倫伎樂管
絃無不備習光彩赫奕綺服芬芳於己宅中
鮮明遍照猶如天女處妙花園觀此奇姿儀
容可愛威光挺特舉世無雙假使隱遁仙人
離欲之輩尚能牽彼起染欲心何況無始時
來積集煩惱姪欲增盛年少丈夫而不迷惑

其父晝夜及以家人防守嚴更無由得睡
時憍薩羅主勝光大王太子大臣并餘國主
王子之類咸共問親求爲婚娶由妙光女相
師授記與五百人共行欲事皆生譏耻不共
成親然於宅中内外人滿門窻戶牖皆共窺
看雖備守防難爲禁止長者見已恐貽家禍

情地無安即便念曰女年長大雖非偶類求
者當與人皆耻響廉見祇迎於是長者見無
人取心生憂惱病苦嬰纏身形羸損時此城
中有一長者大富多財娶妻未久即便身死
如是展轉更索餘妻第二第三乃至于七悉
皆病死由其先世作妻短命業惡響流布遂

令時人與其著字名曰殺婦時殺婦長者獨
居難活更覓餘女至彼女家問其婚事父母
報曰豈我今欲殺自女耶遂更思量求諸寡
婦諸人答曰豈我今欲殺自身乎長者諸處
覓婦不得遂於妻室斷絕求心即往外道沙
門婆羅門及諸雜類梵行人所與之共住長

禮五

四

者念曰我父先是屬佛鄔波索迦更復何煩
隨諸外道我今宜可與佛弟子而爲共住漸
申供養終當出家即便數往逝多林中有舊
知識問言汝數入寺求出家乎答曰我今無
事已是出家何勞更作彼問其故報曰我一
婦死更取還云如是二三乃至于七世人著

字喚爲殺婦並由前世惡業所招我自思量
父先屬佛更何所之遂即發心投苾芻衆知
識報曰雖知如此然於妻室道理終須若無
男女宗胤將絕更可求覓諸餘雜類答曰我
欲如何但所求者皆云豈我欲殺女耶若尔
何不求諸寡婦答曰比亦見求彼云我豈自
殺若如是者妙光美女何不往求答曰相師
授記通五百人豈令我家作姪女舍一切文
夫悉皆捨棄報曰汝有信心誰復輒入唯除
苾芻時來過顧汝今可問答曰彼多不肯見
娶於我報曰彼亦憂勞或相適配長者即去
斯彼家中彼父見已唱言善來欲何求覓對
曰中心有願未敢在言父曰說亦何損答欲
求妙光以爲婚對報言相與即設盛禮以女
娶之車馬賓迎將歸室內便以家中所有鑠
鑰悉皆付與語言賢首我室舊法歸依佛僧
此是福田無餘歸趣汝可隨時數申供給答
曰善哉我當隨作時彼長者於日日中延請

礼五

五

苾芻就舍而食妙光自手常爲供養若見苾
芻顏容殊好色澤超倫者即記在懷
是時長者有緣暫須外出報言賢首我於某
處有事須行汝於福田供承莫絕答曰如是
長者復去報苾芻曰我有他緣須適餘處唯
願聖者於日日中就舍受食答言願汝無病
我當就食長者行後苾芻就宅是時妙光以
夫不在於苾芻前現其姿態作嬌媚相苾芻
見已各並食訖還至寺中更相告曰仁等知
不過失相現今欲如何一人告曰我明不去
彼何所爲一人復曰我乞食人當行乞食諸
人云善苾芻明日無一人去後時長者事了
歸家問妙光曰聖者福田常來食不答曰一
日來食後更不來長者思量豈非此婦於聖
者前現嬌媚相彼懼過患是故不來便向寺
中懇懃重請答曰我是乞食人可依常法白
言聖者我已付知更不同前恐生過患苾芻
便受彼禮而去便於他日苾芻就食長者遂

遣妙光入室返繫其戶長者戶外自手授食
苾芻食時妙光室內生分別想某甲聖者如
是足端如是背背項面目乃至頭頂如是
繫念分別便生極重愛染遂被欲火內外燒
然遍體汗流奄便命過苾芻食訖如常澡漱
爲說頌已辭之而去

長者開戶喚妙光曰汝可出來我欲共食彼
旣命終寂無言響長者便入見躡于地謂是
睡著欲令警覺以手推摩方知命過悲啼哀
慘告家人曰我是薄福下品之人如斯寶女
忽然見棄可報諸親云女身死宗親旣聚悉
來號哭椎胸懊惱自撲于地或於長者與罵

詈言如是紛紜遂便日晚以五色氎裝飾喪
昇送至林所是時去林不遠便有五百羣賊
餘處行盜來此居停路有一人見賊營已遂
生是念妙光美女今已身亡四遠宗親俱送
林所忽此羣賊因生過患我宜速去報彼令
知到林告曰去斯不遠有五百賊欲至於此

札五

六

君等急去勿令相害諸親聞已盛備喪儀令
人守護銜悲救淚各並入城其諸賊依遂到
林傍防守之人隨處逃竄諸賊遙見種種莊
嚴皆共往觀無不驚怖去衣共閱見彼容儀
雖復神亡儼然如活觀其容貌不異平生共
相謂曰斯女妍華昔所未見縱令遠覓此類

難求各起染心共行非法即斂五百金錢置
側而去至天曉已四遠聞微妙光雖死餘骸
尚得通五百人獲金錢五百諸苾芻衆亦復
聞知時諸苾芻咸皆有疑請世尊曰妙光前
身曾作何業具足光明初誕之時室皆照耀
今雖身死通五百人得金錢五百世尊告曰
汝等苾芻其妙光女前身作業終須自受果
報熟時無人相代乃至一須廣如上說汝等
應聽此賢劫中人壽二萬歲時有迦攝波佛
出興於世十號具足於婆羅痾斯施鹿林住
時此城中王名吉栗枳爲大法王安隱豐樂
無諸賊盜廣說如餘時彼世尊化緣旣盡如

薪火滅入無餘依妙涅槃界是時王及諸人於佛遺身盛興供養焚燒即畢收其舍利起窰堵波縱廣一踰繕那高半踰繕那有居士女見塔形儀極生渴仰遂以明鏡繫相輪中而發弘願願我來世所在生處光明照耀猶如日光隨身而出汝等必芻昔居士女即姓

七

光是由昔懸鏡發願力故今獲斯果身如日光生時光曜遍滿于室又復應知其身雖死有五百人共為交會復與五百金錢此昔因緣汝等應聽於往昔時婆羅痾斯王名梵授為大法王廣如前說當此城中有一婬女名曰賢善顏容端正人所樂見其王親舅先與交通有五百牧牛人至芳園中共為歡戲各相謂曰我於園中是事皆足唯無少女共作交歡可覓將來衆皆云善欲取誰來皆云賢善即往其所報言少女可至芳園共為歡戲報云若得金錢千文我當共去無者不行荅曰且取五百待歡戲罷五百方還女云隨意

諸人即與五百報云前去我嚴香花著衣服已後即隨行諸人去後女尋生念我若與彼五百人通得存活不已留五百其欲如何遂起異計王之親舅曾與我交若作依憑或容救濟遂令婢使往詣舅邊作如是語我忽失意於五百人取五百金錢許為歡戲我若與彼五百人通理難存活如其不去倍罰金錢我與親舅先曾得意如何方計得使消通婢到具說舅依王力不令女去亦不還錢于時世間無佛有獨覺者出與于世哀恤貧窮依下卧具隨得而食世間唯有此一福田時此獨覺人間遊歷至婆羅痾斯求寂靜處欲為安止見五百人一處聚集共見尊者身心俱寂特異常倫此真福田卒難遭遇互與供養以植來因即共籌量辦好飲食盛使滿鉢虔奉聖人獨覺常儀口不說法唯現身相令發善心即騰虛空現諸神變於身上下水火流光凡夫見通疾生信敬猶如大樹崩倒全身

禮彼上人各發弘願我於如是真實福田所
申供養以此善根願與賢善姪女假令身死
酬錢五百共彼交通汝等苾芻應知往時賢
善女者即妙光是昔五百人即五百群賊是
由於聖者與供養故復由發願彼之業力於
生死中受諸流轉五百生內常與五百金錢

禮五

八

共行非法乃至今日妙光姪女其命雖終於
彼遺骸還與金錢共行惡事是故汝等當知
作業無人代受乃至一頌廣說如前汝等應
捨雜業修純白業如是應學諸苾芻眾聞佛
說已歡喜奉行

尔時世尊作如是念由諸苾芻向如是家受
飲食時有斯過患告諸苾芻曰其妙光女由
於苾芻起分別想遂令命過是故汝等不應
行詣如是人家受其供養生斯過失若有苾
芻詣如是家生過失者得越法罪
佛在王舍城有一苾芻是修定者彼便數往
阿蘭若修習禪思時有魔女生非法心請苾

芻食苾芻不受彼作是語聖者若不見受我
當於仁作無益事答言大妹我持戒者汝復
何能作無利益彼即對前作不忍聲從是以
後常求其便時彼苾芻曾於靜處以納裏身
忽然睡著魔女見已作如是念此即是我報
怨之時即攀苾芻向影勝王所作閣上王正

睡著即以苾芻放在王上王遂驚覺門言是
誰是誰答曰我是沙門問曰是何沙門答曰
我是釋迦子王曰聖者何故來此彼即以事
具向王說王曰何故於此怖難之處而為居
止若我於佛未生信者必於仁處身命不全
亦復能令聖教淪喪彼聞語已默尔而歸告

禮五

九

苾芻眾時諸苾芻以緣白佛佛作是念此由
苾芻於怖難處而為居止有斯過患即告諸
苾芻大王影勝善說譏嫌是故苾芻不於如
是怖難處而為居止若有住者得越法罪
緣處同前時有苾芻身有癱瘓能治醫王因
來見患即便為破有緣別去不與安藥于時

苾芻轉增痛苦時諸苾芻見其苦痛更相告曰諸具壽若有解者可爲除苦時有少年苾芻即使爲作醫王自念我向破癱不與安藥今宜可與即行問曰我爲破癱未與安藥答言已作問曰是誰答曰是少年者醫王察者知是好藥報言若於他日我不在時應如是

與答曰我且隨宜權行此法然佛世尊未見聽許報言出尊大悲必應開許苾芻白佛佛言若諸苾芻有善醫者應與安藥可在屏處勿令俗見若敝露處作者得越法罪

緣在室羅伐城時有淨信婆羅門居士等來詣寺中問苾芻曰我有如是病當服何藥并噉何食時諸苾芻不解醫者一無言答其善醫者亦復生疑不爲陳說時諸俗旅不樂不去苾芻白佛言若有苾芻善解醫方應爲陳說此成無犯

緣處同前余時世尊現大神變已威伏外道慶悅人天所有外方諸非人衆隨其住處城

邑聚落設在世界上間亦皆俱來詣室羅伐城世尊大師常爲天龍藥叉憍薩羅主勝光大王勝鬘夫人行雨夫人仙授故舊毗舍佉鹿子母更復有餘諸來大衆飲食衣服共申供養令諸來者皆得充足有諸非人亦生愛著咸依此住不還故居若起欲心即便變形

爲夫背像共其婦女而行欲事所生男女作非人形手足頭面異常人像或有其眼赤黑或有頭大身短或有髮色純青或有雜兼黃色其母見已便大驚惶遂於險處棄其孩子彼非人父見其子時爲加精氣或有初生之際影響人形及其大已作非人像其母亦復

禮五

十

同前棄擲鬼父見時便加養育漸至成人時六衆見已共相告曰難陀耶波難陀彼諸黑鉢竊我門徒長養成成人即便將去我今攝斂如是門徒令諸黑鉢不復牽誘時耶波難陀於日初分執持衣鉢入城乞食便於路次見黃髮人即作是念如此形儀非黑鉢所養若

出家者我當度脫即便就彼問言賢首汝誰家子荅曰我無依怙唯獨一身若如是者何不出俗荅曰誰復與我黃髮之人作出家師主報言賢首大師教法以慈悲為上汝若能者我當與汝為出家師彼生喜悅隨至寺中即與出家并近圓事於數日內教行法已報言賢首汝可不聞度不養鹿室羅伐城土地寬廣父所行處乞食資身以自存活即於他日執持衣鉢入城乞食時有女人持食出施見彼苾芻推曾告言誰與仁者黃髮之類而為出家荅曰鄔波馱耶鄔波難陀報言除彼惡行誰更能於世尊教法今生過患諸不信者於衢路中村坊之所共為譏誚沙門釋子所為非法黃髮之輩亦度出家苾芻白佛佛作是念由諸苾芻度如是人出家有斯過失是故苾芻不度黃髮告諸苾芻時諸俗旅訶成宜應法是故苾芻不應與彼毀法眾人而為出家若有作者得越法罪如佛所說如是

禮五

十一

等類不與出家苾芻不知何謂毀法眾人佛言有二種鄙惡毀辱法眾云何為二一謂種族二謂形相言種族者謂家門族胄下賤卑微貧寒庸品客作自活飲食不充或旃荼羅卜羯娑木作竹作浣衣酤酒獵師等類是名種族鄙惡云何形相謂髮有黃青赤白或髮如象毛或復無髮或復頭龐長匾或作驢頭或猪狗頭或作諸傍生耳或復無耳或時眼有諸病謂黃赤太大小等或時眼瞎耳聾或時牙齒有病或復無齒或復截根二根下墜風病或復全無或身太龐太細或羸瘦或皮色可惡或時手足不具或疥癩等病斯等皆是大小仙所遮不應度脫如有頌言
汝於最勝教 具足受尸羅 至心當奉持
無障身難得 端正者出家 清淨者圓具
寶語者所說 正覺之所知
時鄔波難陀持其黃髮賣與戲兒佛言若賣髮者得宰吐羅底也罪

第六門第四子攝頌曰

馱索等三同 忘由緒并問 大神通大藥

刀子下天宮

緣在室羅伐城時具壽鄔波離有二求寂一名馱索迦二名波洛迦此二相親情懷莫逆一告一曰汝可近圍我於親教并及汝身皆

為給侍不令有乏彼聞語已亦如是說時此二人更相護惜竟無一人受近圍者時具壽鄔波離請世尊曰大德頗得一親教師一屏教師一羯磨師得與弟子二人同時受近圍不佛言得此二誰大佛言無有大小得與三人同受不佛言得此三誰大佛言亦無大小

得與四人同受不佛言不得何以故非眾為眾而作羯磨理相違故若如是作者得越法罪世尊此等諸人既同時受無大小者云何致敬及為知事人并受利物佛告鄔波離此等諸人不應相禮若作知事及受利物隨他差與而領受之

札五

十二末

緣處同前時鄔波離請世尊曰大德當來之世人多健忘念力寡少不知世尊於何方域城邑聚落說何經典制何學處此欲如何佛言於六大城但是如來久住大制底處稱說無犯若忘王等各欲說何者佛言王說勝光長者給孤獨鄔波斯迦毗舍佉如是應知於餘方處隨王長者而為稱說若說昔日因緣之事當說何處應云婆羅痾斯王名梵授長者名相續鄔波斯迦名長淨隨時稱說若於經典不能記憶當云何持佛言應寫紙葉讀誦受持

根本說一切有部毗奈耶雜事卷第五

禮五

敬擊丘奇反打搦下子反拳毆下鳥反闌嗑上音
田下於隱遁下徒反窺彌反廉苗被反宗胤下半反
結反適音鑠鑠下音嬌媚下眉反躡毗反益益反哀慘反
感反枝淚粉上亡逃竄第七反縱廣上足反恹恹反族曹下直反庸庸反
容音旃荼羅此屠人并早下錫婆死屍之人也